

上清靈寶大法卷之二十六

飛二

洞微高士開光執善真人奉金真授

上清三洞弟子靈寶頓首謝師王奕其兼

經旨訓解門

師曰元始天尊所說衆經三百六十品品

有三十六部專經蓋以此一經爲首萬法之祖莫出於此上極洞真中貫洞玄下該

洞神故曰大法

明寶珠降世

昔元始天尊於始青天中數說此經以授道

君又於大丹之天中賜大梵之音道君序成

之後上天爲寶秘於玄都玉京紫微上官藏

藏至重非塵不傳後西元王母上請於天帝

降保甲申之災以付修真之士因此遂留人

間此經並是諸天上帝及至靈魔王隱秘歌

音內說天地劫運萬神名諱交會陰陽元氣

生化其義不可得而盡解得悟道者自能洞

明上天四萬劫一傳之間四十年一授輕泄

漏慢殃及九祖長役幽陰可不慎歟

明內音所因

天尊於赤明世界栢陵含座是時雲霧鬱勃  
三日三夜冥陰不解五老上帝上奏天尊曰  
今日侍座所未曾見天尊教則致山海靜  
默天地肅清今日陰冥天地惶懼臣等有疑  
不審何故

天尊告曰今日諸天發瑞靈應自然玉宇煥  
爛障蔽天地咸令四座瞑目以伺俄頃天然  
梵氣頓啓暗豁消五色光明洞照十方各  
有靈書字方一文現於虛空之中光彩煥赫  
八角垂芒精光晃目不可得者

天尊普告衆靈曰此靈書八篇字無正形其  
趣宛與爾等難可尋詳乃命天真皇人注書  
其字解釋其音以賜道君總二百五十六字  
道君撰次成文是爲大梵隱語因序而附二  
章之後皇人者帝於黃帝時下降觀眉山授  
帝以三一五芽之法復升於天也

分經首尾篇目

天尊說經二章前後有存大梵隱語前後亦  
有序皆道君所作也今則離其首尾分其篇  
目依藏本定其字類并題目共四千五百七

十四字

太上道君二章前序

自道言昔於始青天中至東向誦經計一千

五百九十五字

元始天尊實經前章

自元始洞玄至列言上清計一千二百七十

八字

元始實經後章

自元洞玉曆至禍及七租翁計七百八十六

字

太上道君二章前章後序

自道言此二章至乃當洞明至言也計四百

四十字

大梵隱語前序

自諸天中至靈書中篇計一十九字

隱語正音

自靈書阿耨至幽寂度人計二百五十六字

大梵隱語後序

自道君此諸天中至大量玄玄也計一百八

十字

玉晨明十遍說經

說經單方无極无量品无執之衆十方境至天八聽法應時  
 一 遍東方至真大神浮空而至 安太室神界皆開  
 二 遍南方至真大神浮空而至 宛紫微城皆者目明  
 三 遍西方至真大神浮空而至 行世界  
 四 遍北方至真大神浮空而至 諸野清欲病積遠  
 五 遍東北至真大神浮空而至 安世界一時復形  
 六 遍東南至真大神浮空而至 元極四用髮白返黑  
 七 遍西南至真大神浮空而至 性格野仁老者返壯  
 八 遍西北至真大神浮空而至 賢世界皆起成人  
 九 遍上方至真大神浮空而至 諸天宮閣地藏發形  
 十 遍下方至真大神浮空而至 六宮天地皆起成人

敎女章  
 師曰道言至无量上品乃大洞迴風混合  
 度人上品之道也昔始青天即玉隆騰勝  
 天也大浮黎即天帝內諱也碧落乃始青  
 天脉如一身脉絡也玉晨道君首言之始  
 故曰敎玄

啓運章  
 師曰元始至以召十方謂當說者當此劫

運開圖出敎故說是經先召十方如大洞  
 十轉召十方三四召仙官所指召五嶽三  
 官元始上帝說經故曰啓運

真應章

師曰始當詣座至五色鬱勃乃大洞十方  
 神宮天境自然之真隨天尊所召應感來  
 赴大浮黎之會登劫乃寶臺聽其所宣經  
 法故曰真應

定極章

師曰七日七夜至衆真侍座此天機內運  
 分晝夜七數之期感神外感有一時停輪  
 之瑞以內言之定觀七日不知晝夜觀心  
 无心乃見真元之心觀形无形乃識本始  
 真形心形都无自入无形之道湛然見玉  
 清聖境乃白日飛升之道入定之法已述  
 本品故曰定極

還元章

師曰元始天尊玄座至咸得長生乃元始  
 上帝說經之道十轉之法立於生教成於  
 五行成數行其道者白日飛龍駕鶴上詣

王清受書爲仙公明其道則長生不死用  
 其道則證此十端大功玄座者法身所御  
 也獅子者元始威神也以內言之六氣八  
 冥朝心化成獅子下丹田故左青右白前  
 亦後黑中黃故有五色獅子之象已具本  
 品故曰因成五行是名還元

玄元章

師曰道言至欣樂太平乃隨前五生成  
 瑞應十回度人隨徧召十方十品大神一  
 時同至因功德巍巍不可稱量故有迂國  
 之化偏陷之虞乃懸一寶珠分度道品精  
 麤應於玄妙高下天人仰看不能入黍珠  
 之妙真聖隨化俱登納玄玄之中既已受  
 度道君天人全其本年咸行十二善心方  
 契齊同慈愛異骨成親之道而天人先是  
 一國男女傾心歸仰者十方天人入大浮  
 黎土也秦者此五穀之長萬數之季故有  
 玄化之元命其章品也

演梵章

師曰經始出敎至皆得度世自天人普度

之後經法流演出教度人凡是一國聞其說經未受教法預發至學之心並啓大道之誠行於宗奉禮敬四事得其一端者皆得度世流演萬天各行四事梵行故曰演梵

### 宣祕章

師曰道言至非世之常辭謂天尊所說經中上二章乃大洞百神內名亦皆天帝內諱或魔王百靈隱名故曰宣祕

### 上聖章

師曰上聖已成真人至白骨成人乃是天真大神已成三清真人感應內德也既能通玄究微能悉其章則曉達經內大洞祕諱方有諸天遙唱萬帝設禮之道又有日月已下亦是大定之法定中見一切无道鬼神魔精現身可役可問定力未就不能制禦則依九宮洞視法

### 至學章

師曰至學之士至不能更生此至學之士則有五帝侍衛三界稽首與諸天遙唱萬

帝設禮不可同日而語也濟度垂死等白骨成人亦不可階級而至劫矣又學士止能伏制地祇束縛魔精但卻死而已不能更生矣

### 勸道章

師曰輕誦此章止神明護門謂非師授亦不齊戒沐浴仍虧損存思規儀同常辭混諸俗言故被殃於身若不誦希福而辟罪供養尊禮而獲祥故曰勸道

### 讚玄章

師曰斯經華妙至德難可勝洞玄之中此經妙入大洞之道故專於三洞之上妙於衆教之玄獨步玉京也大羅天上有玉京之山金闕七寶瓊臺紫微上宮有玉京殿三十六座每座萬里軒簷周回五千五百里中中有上方玉虛明皇宮靈寶至真明皇道君獨典斯經於宮中萬真萬聖一日三朝爲萬道之宗巍巍玄經上上大梵无德可比无德可勝也故曰讚玄

### 修誦章

師曰道言凡誦至遊宴玉京也師謂授有經之者不以修持止是誦經十過致此玄應上爲祖考之故也凡人之所生靈性不昧劫劫常輪或生四域或生六道或化應四生之中或托形三界之內一切有情皆

我父母是以學士有二種大德一則慈悲不殺不害恐悞害曩劫以來君師父母二則清淨不姪不慾恐惡汚觸忤一切行化三師及出家法身或曩劫以來君師父母是以學士修誦先當仰報億曾萬祖幽靈苦爽皆即受度上升朱宮也而朱陵品格受煉之科白日尸解太陰反形者受煉七年而爲神仙之位子孫超度青宮拔度寬登朱宮者受煉九年受化更生得爲貴人若夙靈通達不昧其本好學至經功滿德就皆得神仙飛升金闕上清之天許遊宴大羅玉京也若好學至經者乃夙世不昧功德重於誦者非是貴人則九年必得尸解若弃名貴九年飛升金闕而爲名貴昏性業拘消福多致天墮苦爽爭及學士清

薄生運好學无諸業障必保得道神仙法致矣

上學章

師曰上學之士至遊行太空前謂授誦通玄究微之真此謂上學之士亦修亦誦不能度於億萬祖至於自身受度飛升南宮世人為學士也諸師受經誦經之者至得延壽長年後數窮運應皆得作尸解之道鬼神斃滅不經地獄即得反形遊行太空也其所作尸解之道有大洞五石鎮生之法形謝朽爛五藏自生年限滿足太一合神更生真仙之質受書上道寄治洞天功德充備位補高真又有九真中經混守長生大君之道形質告終軀寄重陰神守百關五內自生年限足備神形合符飛升十天受書到位功滿之日位補真人又有身佩九真之戒心映金籙之符受諸玄經功著三天德合五常神氣內全功德未充數合歸冥亦分其品白日上解夜半次之神色不變爪甲不青目睛不黯者乃尸解

之仙寬神暫滅命過太陰及形於朱陵之宮不經地獄遊行太空過歷十天受書上道功滿道備三十年七十年百二十年因人啓發陰宮形神合會飛升三天隨其品位以補仙真列有上聖高真曉告世情示以大歸潛升高清遺於冠劍之者其太清已下非八品符藥法術解厄避世雜法五解杖履代形之者不得返故鄉必被三官所執非比前之四品尸解之同列也

暢微章

師曰此經微妙至生死蒙惠謂上至高真上聖受度保制劫運使天長存中及一切天人全其本年莫不受度明可以度人无量幽可以度死拔亡是曰生死蒙惠暢演至微妙於衆經矣各述本品科格中

效盟章

師曰上天所實至長役鬼官此人若至人齋金寶效心盟天而傳若輕泄漏慢殃及九祖況世人皆在不傳之禁限是上天寶經秘於玄都苟有漏慢豈上殃及九祖也

長役鬼官及北府三官主役鬼之官也前以輕誦殃身後以輕泄殃祖知盟開口而行依科修誦乃為成真之梯登也

玄局章

師曰侍經五帝至受經者身謂盟師授經即五帝各遣玉童玉女各二十四人營衛神文典禁燒香保護受經者身世語一人則罰一玉童玉女徑白五帝以奏太上此乃五行四季九宮二十四氣之神計二百四十人從五帝侍衛也若非盟師受經安有營衛典禁之科也

三元章

師曰道言至飛升上清謂正月上元宜度上世亡魂七月中元當度已身十月下元為國安民八節之日以消九土之災以禳八節之厄誦諫向其方順宮以建指功標五帝德化九土故得為九宮真人正是左三右七戴九履一二四為肩六八為足身在中宮得守於五也乃上清九元豁落之道本命之日是本生始氣之日誦詠安魂



制冕保命寧人澄正五藏萬氣集身次於對坐元命之日誦誅即得不經苦惱身有光明行此功德則三界侍衛五帝司迎萬神朝禮名書上天也若功滿德就即得飛升上清也且本生之日謂如甲子日為本生甲午日為元命上清者四梵天之上有三清之天第一太清十二天九仙所居上清十二天九真所居玉清最上十二天九聖所居共三十六天上清居太清之上玉清之下矣

### 行道章

師曰道言行道之日至如此分明法有存思呪訣具於本品三氣者玄氣青元氣黃始氣白即是三氣也自一氣而生三氣三氣生九氣九氣生萬氣三氣之主一氣之尊元始上帝也九氣之祖青童道君也萬氣之母西方王母也人居三氣之中化應三一之神真常之至道萬氣之根宗也

### 容呪章

師曰无上玄元至東向誦經凡啓奏太清

只告五靈老君召出身神若闕啓上清只告真元教主太上老君如啓奏玉清只告太上道君也臣及甲乙述奏誦經之意召出身神已具本品東向誦經者東乃長生之方諸天尊重凡諸靈寶符書並宜向東書篆引三十二天之氣布之神通立至凡行道者須東向為始末

### 洞玄章

師曰元始洞玄至離合自然此二十四字乃洞玄本章之首元者萬道之始祖者衆氣之宗洞者神應靈應玄者變景莫測靈者有求必化寶者仙真聖根此六字為萬道之祖衆氣之宗歸於大洞之中神應靈應變景莫測求靈化寶則為上品妙首十回度人已明本品其章中之旨者乃百魔隱韻或離或合非力會合韻非相律成音皆在自然而然百魔者九霄大魔帝君之王與上帝元始同化玉清元氣皇曾之胤嗣也乃神霄玉清王紫霄玉清消魔王丹霄中極保景王青霄玉清洞明胎王次玉

霄妙化王次太霄景霄碧霄瓊霄玉清王亦大魔之帝也次九大大魔三大大魔三界大魔三清大魔五帝大魔五天大魔諸天魔王梵天靈君之魔次三省天相太玄之魔比魔非魔靈魔制魔神魔等至六大大魔隱韻皆與二章之中以洞玄百魔之音韻離合自然而成章玄與莫則惟元始洞曉以說二章十四度人故亦曰洞玄

### 赤文章

師曰混洞赤文至无文不生自玉字生乎大梵之先至赤明開闢而為赤書未明隱於混洞之中亦曰赤文六十四字明於際品內景言之大洞玉字混合之道也亦述於內行中更不重敘

### 大梵章

師曰是為大梵至森羅淨靈大梵者大洞之體也諸天之上有大羅之天帝有鬱羅蕭臺七寶成於空玄之中臺有九層高參太空之上於白玉之京立於玉山之巔上極无上之上乃大羅玉清元始所治玄都

也渺渺劫伊不可窺測若亡若存不可定  
位上有三華堂離便宮大有宮妙庭宮金  
闕玉房森羅上館淨靈二池以內言之泥  
丸九宮也玉帝宮元始所居與上清所說  
九宮有肯此正是內朝元始之道也

梵氣章

師曰大行梵氣至無量度人乃大洞秘密  
周回十方亦十四度人五行生成之本也  
中有度人不死之神帝一尊君也南極長  
生之君上一赤子分形九真也度世司馬  
大神太一之神也好生韓君丈人心中真  
人丈人也南上司命司錄與回骸起死君  
居下元延壽益算衛丈人於中元度厄上  
生君佐一於上元皆總氣於九天九天總  
氣於太微太微梵氣乃高上洞玄之氣辟  
非之煙入兆身中則立致不死行之三年  
得道已述於本品

招真章

師曰今日校錄至嚴校諸天於赤明劫初  
在始青天中大浮黎土開校圖錄之日諸

天神王大聖主其諸天圖錄並臨帝軒校  
量罪福輕重記錄功過淺深也玉清有八  
景隱玄羅圖上清有二十四氣八景玄圖  
皆元始所開之圖與諸天梵氣元圖同開  
也錄者上元金籙簡文中元玉籙簡文下

元黃籙簡文又有玉清飛化玄籙寶圖上  
清青真紫籙晨圖太清已下及諸天皆有  
圖籙億萬不可備紀其目並詣元始上帝  
之前校錄也此十方大聖品位尊崇與上  
帝同階而受事於元始也五色玄龍者非  
有相之形得五行玄上之氣而化成也九  
色之節者青黃赤白蒼碧綠絳紫九色之  
羽成節也十絕靈攝者五神錦中成十絕  
以為靈攝也飛雲則輕清飛華琅之雲衆  
丹王之與碧瓊之輦上有五色玄羽之蓋  
下有百字瓊瑤之林或駕鸞朱丹鳳凰或  
馭導五色玄龍五老啓其途羣仙翔於轅  
傾光降臨回駕詣軒監諸天之衆真誓校  
錄於度人也執籙把籍者諸天丞相主錄  
定品者韓司丈人監生度人者九天大神

普詣元始上帝之前隨其品格應度者普  
行受度也已下乃嚴校諸天之告行也

普告章

師曰普告三界至遍合鬼羣三界者上元  
元極神鄉中元臬曲之府下元北都羅鄴  
三官則上元天官紫微府中元地官青華  
陽臺府下元水官清冷府九署者一官三  
署分左右錄水火考也三官共九署也十  
二河源者十二分野有十二水河之源湊  
於元極混海歸於泄水之源上解祖考者  
及億劫種親疾除罪薄落滅惡根不得更  
有拘留使時刻以升遷無致逼從再合鬼  
羣也十二河源泄水於天河東井之源也  
日月八景治煉金仙東井黃水主華神池  
沐浴更新其光華見上清三道順行經此  
亦煉度魂神之所也已上四十八字普告  
三界之告命

符命章

師曰元始符命至道遙上清三塗者地獄  
餓鬼畜生業報三塗又有天官地官水官

之役五苦者衰病死墓絕又有水火風刀  
王法饑饉瘟疫又有鑊湯爐炭屠割水池  
考掠又有色慾情愛貪五苦累三塗同五  
苦共為八難六十四字元始符命也二種  
符告具見黃籙齋法

### 寶諱章

師曰上清之天至梵行梵行者道中之道  
天中之天玄中之玄真空無礙三界之上  
玉清之下上清之上有天帝曰玉真天帝  
乃昊天玉皇上帝玄穹高上帝主治無色  
梵行之境是種民天界也已下三十二天  
帝諱帝名隱諱靈章隱韻玉音或言天尊  
秘諱或是天魔隱音或明天明神內名或  
載天靈妙音莫知其微莫測其玄九和能  
變十合能化無窮神應无量與音玄變妙  
化於上清故曰寶諱又以此天帝書列成  
券可以无量度人

### 受度章

師曰今日欣慶至天門此二十八字乃關  
告天門大券告門也得道之靈蒙天尊賜

券出符告三界魔王保舉到天門不得拘  
執也其三十二天帝升天券內隱玉皇內  
文中人皇文六十八字在內計三百三十  
九字

### 五行章

師曰東斗注算至萬神无越皆生於赤明  
出於五劫司於五方也以度天人

### 衛真章

師曰青天魔王至列言上清乃扶衛掃蕩  
命魔煞鬼前驅之命皆玉清赫奕大神也  
神公即太玄上相三十二字神公所受元  
始之命亦可為靈靈之呪兆有恐心怯意  
之所叩齒三十二通存身作神公誦之十  
過萬魔奔走千妖匿形

### 玉曆章

師曰元洞玉曆至運度自然乃大洞正文  
之體狀玉曆是紀五劫開化億劫更換之  
曆大洞者混洞也龍漢延康劫中其大洞  
未分上有三十六氣下有三十六曜皆金  
水剋風梵澤之氣无色无光至赤明劫元

始開圖運應曆分度數推及自然分形方  
有赤書真文度者一日一度劫者乃大小  
劫運小劫者陽九極而生陰陰百六極而  
生陽水火厄交攻人物一新其大劫者  
玉清天有宛昌臺乃百寶玉石高九萬里

方闕六萬里每日月出初一度天人登臺  
歌洞章而採日月晨華摘空青寶枝而拂  
日月之光取空青之寶好芥子寶珠投於  
西元之城夫人之衣拂盡寶石空青芥珠  
投滿西城乃為一劫當此天地交攻水火  
風災蕩穢彌天三界已下俱壞龍門交會  
鳥母度世劫過種民天人下降佐理太平  
聖君也自延康龍漢至赤明開圖經於億  
劫也

### 流化章

師曰元始安鎮至萬範開張自開圖之初  
元始五篇真文赤書敷落安鎮五方命以  
五帝典治司化育物鎮運極度保天長存  
雖至劫運亦不敗壞三畧如故以大梵玉  
字之氣彌羅諸天自此三界萬範開張已

上六十四字并此三十二字乃天地之至誌靈寶之梵音洞玄之本章安鎮穰治隨意用之立取靈應心存元始口誦此章氣召西北談恰玉清也已述冥文品

升元章

師曰元網流演玉氣入玄玄元網者元洞之網混洞之紀流演三十二天輪轉五色之境周回十方始而更終自斗旋左歷度箕星回日月之度分成五帝之大化三十五分三十二天三天也總三十五分之氣於上元流演之中輪轉於无色之境冥合玉清八景之天氣入天中之天玄中之玄也以內言之一身元網者泥丸也晝夜周流氣血終始周回一身總於上元也三部八景二十四氣玉清宮泥丸宮周回真雌一雄一神合八景共三十二氣三元三氣總於上元玄宮下通心胞八脉冥合下元八景矣有玄網之圖採服天之氣流演之道具本品中

契玄章

師曰玄中太皇玉輔翼萬仙玄中太皇乃王母也下元萬氣之母合延之神也乃上帝之道君上皇之聖真居西元太霞宮嘯詠空洞靈章以生萬氣不絕也左手把金真玉光右手擲流金火鈴流響三十五天

聲應天中雲營玉音攝高上元氣靈風聚辟非之煙紫景鬱秀太虛萬仙輔翼朝宗乃大洞回風混合秘訣大法雲營非聚雲之營乃周運營聯之營妙在金丹真朗郁流響雲營玉音攝氣靈風聚煙一十六字諸天大禁不敢輕露隱於大洞真經首章此可尋詳以契玄真

成真章

師曰千和萬合至保命生根以此秘訣混合一千四共得一萬遍即自然成真真中有神長生大君乃九真之首神也无英公子肝神也主寃白元尊神肺神也主寃太一主神司命主氣桃康合延主精並執兆五符五籍保兆命元生根自五神混合百神而化

師曰上遊上清玉萬氣齊仙上清者心之華房也太一含蓮其形自然太一元君居之如蓮華之房心未開之丹華八冥之脉冥會之處盡總於心也細微之中者以道

攝華章

元氣周注泉源之所也如草木枝脉此人身赤文血脉之道路一體經絡之營衛也中理五氣者理五神之妙氣於中元五神總細微之血脉於八冥混合如此百神十轉回靈即得萬氣齊仙也心端有水名曰神水服之魔鬼神靈見之如赤日又此七神乃玄丹太一中斗之神人身中黃太帝之本形也長生大君陽明无英公子陰精白元尊神比極太一尊神真人司命丈人丹九丹元桃康大君玄冥合延大神瑤光也

三界章

師曰仙道貴生至飛空之中欲界最居其下六天為境人修三百善功得生此天色界者有三淨行及身心口三業淨者得生



此天无色界者三業淨六塵根不染者得生此天若塵業俱淨生種民天中過此乃證自然無為大洞之境三界歌章是魔王飛空時作此音以前遵玉清也阿大魔王自稱也

敬形章

師曰魔王敬形至七祖翁謂止述三界歌章非二章正經也自魔王至更生三十二字勅制地祇之文今敬迎誦章之學士也

天寶章

師曰道言至付焉謂上天之所寶不傳於下世依玄科四萬劫一傳天真若有齋金寶質心依舊格告盟十天方許付度舊格者真凡有品真人已立四萬劫至人依朱宮仙格太真盟科四十年一傳

普度章

師曰道言天地至普度無窮謂消諸不祥無量之文普度無窮也

陰煉章

師曰夫未學道淺至使得神仙已述于上

學章其煉度尸形之法出靈寶五煉生尸經九煉生化章明其要於升度品

保鎮章

師曰道言夫天地至普度天人此保鎮之法已述各品

至言章

師曰道言凡有是經至至言也此經之神無量功德無窮玄化感應罪福凡夫固知其實上士勤行深明至理得道之日方始洞明此經至妙之言靈感實應驗之旨也

大洞章

師曰中篇是也諸天中大梵玉字之音三十二天無量隱語之音乃元始祖氣靈書中禁之篇玉晨道君撰次天真皇人所書也內隱大洞秘諱五劫開圖之音出諸天內音玉字經指歸隱奧兆可詳之慎勿泄漏於凡夫耳目無逃天憲默而行之

玄應章

師曰有知其音至玄玄也止誦此音而有玄應

皇人章

師曰元始無量度人上品妙經皆是道君所標之目也本章者天真皇人標題內名也上品至自然四句一十六字是皇人總明一經宗旨大意又衆真云是本經下隱

五方真文也混洞至度人是元始天尊所說正文也今日至諸天是玉晨道君所紀受度之旨也普告至上清是元始天尊所降誥命神功所受所行之文道君紀錄於此上清至梵行亦元始所說正文也三十

二天至受慶乃道君紀述當日受度自慶之言也歷關至天門此元始歷關之文道君紀錄於此東斗至妖精此道君宣述扶衛掃蕩之事玉清大神之威神也三官至上清此神公上真太玄上相五靈北帝當日受命之符元始所降之言也道君紀錄于此元綱至生門此元始所說正文中有至高真此道君所授大洞之旨三界歌章乃魔王所述皇人所書也隱語中篇道君撰次元始正文此三界之上至太量玄玄

也皆道君所說皇人乃書也敕制地祇至更生三十二字乃元始敕文亦道君所記也二章者自元始洞玄玉列言上清是一章也自元洞玉曆玉辭參高真是二章也三界歌者非二章乃魔王所述矣餘皆道言者道君所記非二章之言也

○ 上清靈寶大法卷之二十六

上清靈寶大法卷之二十七

飛三

洞微高士周光啟苦真人事金真校

上清三洞弟子靈寶積教嗣師王真真集

洞玄仙格門

仙格品論

師曰男仙高曰天尊女仙高曰元君若形神未獲高妙而有肉質尸骸不許封稱有身一作成大功則三年中功則七年下功則九年一遷无身中者並七百年一陞初自校職陰曹次入水官山川主者次地官靖廬福地主者次洞天主者次十洲三島仙官次漸進入於天官凡行功於世立德大功行化之士內外功全迎神授職之所太陰鍊尸年限足日合形仙飛如功德內外不備分神治事建邸於天地水之陰曹也入此玄階清品須參斗受書除落死名上生南曹功德發於敗正陞入仙階年限比校亦許遷於仙品妄有冒越三官糾覈可不慎守之犯者退品除年罰功墮事更宜謹敬慎之歟

仙格品秩

三天執筆伏魔持法使者

太上執法弟子 太上執法仙士

太上執法真士 太上執法仙官

太上執法真官

太上玉階執法真士 太上玉階執法仙官

太上玉階執法真官 太上玉階執法真官

太上玉壇執法真官

南宮少微執法真官 南宮太微執法真官

南宮元微執法真官 南宮靈微執法真官

南宮妙微執法真官

已上係十五發敗正

天曹執法仙監七仙監有

天曹執法仙卿 太極執法仙卿

太極執法真卿 洞微執法仙卿

太極執法真卿 太極執法真卿

太清執法仙卿 太清執法真卿

太清執法真卿 太清執法真卿

玉清執法仙卿 玉清執法真卿

玉清執法真卿 玉清執法真卿

太極執法真卿 太極執法真卿

太極執法真卿 太極執法真卿

太元執法真卿 太元執法真卿

太元執法真卿 太元執法真卿

赤明執法真卿 赤明執法真卿

赤明執法真卿 赤明執法真卿